



Broj: 06-29-1-222-2/26

Sarajevo, 04.06.2026. godine

**VANJSKOTRGOVINSKA KOMORA BOSNE I HERCEGOVINE
SARAJEVO**

Fax: +387 33 214 292

E-mail: info@komorabih.ba**PRIVREDNA KOMORA REPUBLIKE SRPSKE
BANJA LUKA**

Fax: +387 51 493-100

E-mail: info@komorars.ba**PRIVREDNA KOMORA FEDERACIJE BOSNE I HERCEGOVINE
SARAJEVO**

Fax: +387 33 217 - 783

E-mail: m.jasarspahic@kfbih.com**Predmet: Poziv za učešće na 57. Međunarodnom sajmu Alžira (FIA 2026)**

Poštovani,

Agencija za unapređenje stranih investicija u Bosni i Hercegovini (FIPA) ovim putem poziva predstavnike Vaše Komore da, zajedno sa predstavnicima FIPA-e i privredne delegacije Bosne i Hercegovine, učestvuju na **57. Međunarodnom sajmu Alžira (FIA 2026)**, koji će se održati u periodu od **22. do 27. juna 2026. godine u Alžiru**.

Tokom boravka u Alžiru planirano je održavanje sastanaka sa relevantnim alžirskim institucijama, privrednim komorama i poslovnim subjektima. Navedene aktivnosti predstavljaju značajnu priliku za jačanje institucionalne i privredne saradnje, razmjenu iskustava, promociju privrednih potencijala Bosne i Hercegovine, te uspostavljanje novih poslovnih kontakata od interesa za domaću privredu.

Ljubazno Vas molimo da, u skladu sa svojim saznanjima o potrebama i potencijalima privrednih subjekata koje predstavljate, pozovete kompanije za koje smatrate da svojim proizvodima, uslugama i poslovnim kapacitetima mogu na najbolji način doprinijeti predstavljanju Bosne i Hercegovine na ovom značajnom međunarodnom događaju.

Međunarodni sajam Alžira predstavlja jedan od najznačajnijih privrednih događaja u regiji, okupljajući veliki broj domaćih i međunarodnih kompanija iz različitih sektora, uključujući industriju, energetiku, poljoprivredno-prehrambeni sektor, tehnologiju, farmaceutsku industriju, trgovinu i usluge.



INVEST IN BOSNIA AND HERZEGOVINA - INVESTIRAJTE U BOSNU I HERCEGOVINU - ИНВЕСТИРАЈТЕ У БОСНУ И ХЕРЦЕГОВИНУ - INVESTIRAJTE U BOSNU I HERCEGOVINU

Učešće na sajmu pruža kompanijama iz Bosne i Hercegovine priliku za:

- predstavljanje proizvoda i usluga na međunarodnom tržištu;
- uspostavljanje novih poslovnih kontakata i strateških partnerstava;
- održavanje B2B sastanaka sa potencijalnim partnerima i kupcima;
- istraživanje mogućnosti plasmana proizvoda i usluga na nova tržišta;
- upoznavanje sa aktuelnim trendovima, inovacijama i poslovnim praksama u različitim privrednim sektorima.


Molimo Vas da nas o zainteresovanim predstavnicima komore i privrednim subjektima obavijestite **najkasnije do 9. juna 2026. godine**.

Radi blagovremenog pokretanja procedure za izdavanje viza, potrebno je da zainteresovani učesnici dostave skeniranu kopiju pasoša i jednu fotografiju u digitalnom formatu najkasnije do navedenog roka, kako bi Ambasada mogla pravovremeno okončati potrebne vizne procedure.

U prilogu dopisa dostavljamo zvanično pozivno pismo Ambasade Narodne Demokratske Republike Alžir u Bosni i Hercegovini.

Za sve dodatne informacije stojimo Vam na raspolaganju.

S poštovanjem,

**DIREKTOR**

Marko Kubatlija

Dostavljeno :

-naslovu
-a/a.